

Broj: 02-~~466~~⁴⁶⁵/25
Zenica, 12.12.2025. godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku usluga - Nabavka usluga zbrinjavanja infektivnog, farmaceutskog i hemijskog otpada, direktor Instituta za zdravlje i sigurnost hrane Zenica donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke, te se okvirni sporazum za nabavku usluga- Nabavka usluga zbrinjavanja infektivnog, farmaceutskog i hemijskog otpada dodjeljuje ponuđaču RECIKLON d.o.o. Zenica, koji je dostavio ponudu broj: 90/25 od 03.12.2025. godine (broj ugovornog organa 01-7171/25 od 08.12.2025. godine), u kojoj je ponuđena cijena 24.994,50 KM bez PDV-a.

Okvirni sporazum će se zaključiti na period od godinu dana.

Član 2.

Izabrani ponuđač IMA obavezu dostavljanja dokumentacije propisane tenderskom dokumentacijom (u originalu ili ovjerenoj kopiji).

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-4386/25 od 26.11.2025. godine. Postupak nabavke je proveden konkurentski zahtjev za koji je objavljeno obavještenje o nabavci broj: 7126-7-2-290-3-127/25 od 27.11.2025. godine na Portalu javnih nabavki. Postupak nabavke provela je Komisija za javne nabavke, imenovana Rješenjem broj: 02-4387/25 od 26.11.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke, utvrđeno je sljedeće:

- da su ukupno pristigle dvije ponude;
- da su blagovremeno zaprimljene dvije ponude;
- da nije bilo neblagovremenih ponuda;
- da je jedna ponuda odbačena kao neprihvatljiva u skladu sa članom 68. ZJN BiH;

U toku ocjene ponuda Komisija za provođenje postupka javne nabavke je utvrdila da je ponuđač ALBA Zenica d.o.o. Zenica dostavio ponudu koja je ocijenjena kao neprihvatljiva, s obzirom da dostavljeno Rješenje nadležnog ministarstva kojim se odobravaju aktivnosti upravljanja otpadom i njegovo zbrinjavanje, a kojim nije obuhvaćeno zbrinjavanje, odnosno tretman vrste otpada kruti hemijski otpad - klasifikacioni brojevi 18 01 06*; 18 01 07; 18 02 05*; 18 02 06; a koji je zahtjevan tenderskom dokumentacijom.

Naime, klasifikacioni brojevi krutog hemijskog otpada 18 01 06*; 18 01 07; 18 02 05*; 18 02 06; koji su definisani u tački 2.4 tenderske dokumentacije-tehničke specifikacije, nisu navedeni u dostavljenom rješenju o dozvoli, zbog čega se ponuda smatra neprihvatljivom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije. Kako je za predmetnu nabavku zaprimljena samo jedna prihvatljiva ponuda, e-aukcija se nije provodila.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač RECIKLON d.o.o. Zenica dostavio ponudu sa najnižom cijenom, a obzirom da je kriterij za izbor najpovoljnije ponude najniža cijena tehnički zadovoljavajuće ponude, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke

Dostaviti:

- 1x RECIKLON d.o.o. Zenica,
- 1x „ALBA Zenica“ d.o.o. Zenica,
- 1x www.inz.ba,
- 1x arhiva.

